



UPA 2023/102

10/5-2023

Bjørk Lange Kristensen

**Innuttaasut feeriarnermusiassaasa Sulinngiffeqarnermut Inatsit naapertorlugu sulisut
sulinngiffeqarneranut takussutissiisumik attaveqarfissanut paasisutissat naamattut pigineqarnerinik
qulakkeerinninnissamut periusiliortoqarnissaanik Naalakkersuisut suliaqaqqullugit peqquneqarnissaanik
Inatsisartut aalajangiiffigisassaattut siunnersuut.**

(Inatsisartunut ilaasortaq Doris J. Jensen, Siumut)

(Siullermeerneqarnera)

Qujanaq Inatsisartunut ilaasortaq Doris J. Jensen, Siumut uunga siunnersummut.

Uagutsinnut Demokraatinut, uani apeqqut pisariittuaraavoq. Feeriarnermusiat akissarsianut tamarmiusumut ilaapput, atorfekartut sulinerminut pisartagaanut. Uagut isumarpot malillugu oqallissisaangilarluunniit. Inuup aningaasat katersorsimasai, inuttaanut akiliutigineqassapput.

Siunnersuuteqartup siunnersuummini paassisutissiisutigaa, 2020-imi feeriarnermusiat tre millionit koruunit sinnerlugit, inuttaannut katersisimasunut, akiliutigineqanngitsoorsimasut.

Tamanna isornartorujussuuvoq, aningaasat taama amerlatigisut inuttaviinut apuussimanngimmata, akerlianilli, inatsit tunngavigalugu, SIK-mut NPK-mullu tussimallutik.

Nunarsuarmi digitaliusumi inuuvugut. Perarfissaqassaaq aaqqissussamik sananissaq, qulakkerlugu, sulisut akissarsiatik tamakkiisut sulinerminni akissarsiassatik pisassagaat. Allatut iliornерит akuerineqarsinnaanngilluinnarput

Tamanna tunngavigalugu siunnersuuteqartoq isumaqtigaarput uani, una ajornartorsiutaasoq, piaarnerpaamik aaqqinneqartussaq, taamaattumik peqataarusuprugut Naalakkersuisut peqquneqarnissaannut malittarisassanik ingerlatseriaatsinillu sanassasoq, feeriarnermusiat katersorsimasat eqqortumut akiliutigineqartarnissaannut, qulakkeerinnittussamik.

Taamatut oqaaseqaateqarlutik Demokraatit siunnersuut ataatsimiitaliami susassaqartumi suliareqqinneqarnissaa innersuussutigaa.